

增訂

重校

茶餘客話

掃葉山房  
印行



山陽阮吾山著  
華亭雷君曜校

茶餘客話

上海掃葉山房發行

己亥夏余與司寇吾山先生同膺司諫之選先後入臺過從無間每春朝讌集酒邊談論前言往行聽者忘還固未知其有所著述也嗣讀行述有茶餘客話之輯王少林太守亟稱其書今夏從方浦大兄借觀其記前型搜逸事考証典物多有未經人道為說部諸家所不及者為選十二卷梓行是書成于辛卯之前故云文淵閣無其地本朝尚無三元癸巳建閣以及辛丑錢修撰榮及第亦未補錄知此稿固未成之書也且卷中深以正閣日淺不及徧觀庫藏典冊為歉昔余科垣夜直恒秉燭繙史錄書盈尺竊與先生有同嗜曾于先生所撰刑部典試題名二書多所校正惜公早騎箕不及參訂客話全書不無遺憾顧方浦負荷念切行將與七錄齋詩文全集合刻流傳嘉惠藝林更樂得而觀厥成焉甲寅上元烏程戴璐跋



先司寇束髮受書即耽吟咏於書無所不讀所著詩文集如千卷藏于家中  
歲以後又入直綸閣歷卿垣僦居長安藏書最富手不停披殫心著述與一  
時賢士大夫遊賓客過從煮茗劇談靡間寒暑凡所得于載籍以逮聞見所  
及輒誌之積二十年成茶餘客話三十卷所記自經史及

國朝典故淮陰事蹟下及書畫禽魚之類靡不講貫精核獨出已見論斷而折  
衷之已酉捐館後謹錄收藏版行匪易中心竊負疚焉奉常服塘先生為先  
司寇臺選同年交好無間今春索閱此書詳加校正欲公同好先選十二卷  
仿畢昇活字板印行餘卷仍謹藏以待再梓琦愧不能讀父書幸先生精鑒  
流傳事先司寇賴以不朽而先生敦情古處以及洽溉士林之誼亦足以風  
世矣爰敬跋于後癸丑小除男鍾琦謹識

茶餘客話題詞

吳江楊復吉

凜冽西風雪作冰  
衡門瓦繫望觚稜  
一編入手雙眸豁  
剔盡寒窗五夜燈  
幾載長安碾轍環  
素心攸記著名山  
蒐羅都付如椽筆  
思在夷堅雜俎間  
史才學識擅三長  
珥筆端宜入玉堂  
會見洛陽曾紙貴  
行間薰得馬班香  
訪古常停問字車  
生平癖嗜在虞初  
漁洋而後君其續  
苦吮霜豪讀素書



茶餘客話總目

卷一

君臣壽考

楮窗圖

張湘曉訓子書

拙政園之盛衰

子平奇驗

春聯

淺語有味

張照左手書

贈徐乾學聯

贈徐仲山學聯

贈王文簡聯

贈高江村詩

勵文恪子孫科第之盛

吟詩寫字之敏捷

嘲謀學差

嘲求薦鴻博

田山薑

紅橋倡和詩

入相之早

大臣愛才

儒臣賜第

張文端養心法

尤西堂自營生壙

高念東作詩之敏捷

萬錢同修明史

馬章民時藝

長生殿傳奇

闢禁屠祈雨之謬說

王文貞極人爵之榮

吳梅村晚年得子

朝鮮使臣題三家詞

徐立齋得孟子三樂之一

韓慕廬推重朱竹垞

絕好宋詩

葉認庵行步如乃字



計東陳其年性情各異

史閣部後嗣

霍程之任俠

薺菜孟嘗君

朱竹垞詠史詩

卷二

內閣大庫

大學士加殿閣銜之歷史

中書入閣觀書

皇史宬

京官前後輩禮數之嚴

翰林稱謂變遷三則

辦事翰林

迭掌文衡

科名盛事

對策不合體制

科目得人之盛

胡稚威齊次風俱中副車

同考房運盛衰

重赴鹿鳴

各省會試中式人數

館選額數無定

鄉會試副榜源流

徐文敬逸事

狀元宰相之難

文字遇合之奇

翰林稱謂變遷

卷三

長安耆舊

人才月旦

場屋元燈

胡天遊為聲氣所累

記扶乩二則

顧棟高彈精經學

春和園之命意

古人同姓名錄

古人不經見之名字

謝莊名子

老泉非老蘇號

傳名之奴婢

事物異名

蟬磯祠聯

李穆堂持論之偏

迦陵填詞圖卷題詠

張南華吟詩之敏捷

前人選詩文集之慎重

酒人巨量

沈端恪逸事

詠在館庶常

科名得失有定

嘲京官

### 卷四

順康朝大臣體制

女媧為女像之異說

日者推算神運

于墳祈夢之靈驗

謙語成讖

宦途夢境

狐戲吝人

馬提督晚節

異鳥

趙廣文為金華將軍所戲

梁學博遇術士

齊召南一生三夢

龍泉連遇仙

京師宴席重鹿尾

名流疎於韻學

收拾詩材之法

詩見性情

狀元宰相語

文人好名

毛西河妄議禁甫早朝詩

考場題壁詩

詠風鳶詩優劣

著書體例必有所本

徧投名刺之濫觴

紙價貴賤不同

揭帖

聯語彙志

荒村

卷五

汪顧不薄今人

毛西河引經之不足據

奉齋茹素之謬

計年讀經

五經中人物

古文名篇

志銘體例

月忌謬說

晷景圖之制度

彙志古人闢佛文域贊傳

鬼神作祟

僧道不必沙汰

山谷名言

閒中清福

傅青主醫術

授讀行醫之害人

著述不宜用奇字僻典

燕玉暖老

飲食衛生法

名人健啖

吳俗好尚

卷六

唐宋詩人第行

避名示敬

秦大士改別號

帝王別號

徐鄰故更名

桃源驛題壁詩

沈曹金陵懷古詩優劣

王漁洋寄宋商邱之用意

寺名集名之奇

坊刻時文原始

制義行遠集

士與士師之別

老儒專心制義

爭南北中卷

舉業家之陋

八宗師考卷選

葉奕繩強記法

傳是樓書目

司書有鬼

藏書考

刻書考

狀元書法

畏作楷書

南書房寫本十三經

畫家成名之難易

繪畫供奉內廷

畫家別派

故事可入詩畫

名手畫時有利鈍

三刺濫觴

夢中示禍

舉人出路

筦庫人勢利

卷七

通政司無司屬

大小九卿說各不同

官名從古稱之謬誤

紫禁城騎馬之制

吳梅村葺城行

范忠貞遇害



徐侯齋之高蹈

李琳枝之風屬

林茂之之清貧

宋文恪善擇壻

汪堯峰性情下急

文人習氣

陳午亭作六公贊

名人臨終吟詩

魏敏果能薦賢

重師誼

王相國假歸後逸事

湯文正撫吳政績

張文端恩遇

魚塞漏舟

高層雲奏免議政大臣跪見親王

潘次耕之學行

朱竹垞書慰譚左羽

李湘北薦賢

蔣文肅父子恩遇

李安溪密謀平臺灣

方靈皋兩朝聖恩記

朱文端知政體

臨終吟詩

卷八

相士之謬

學圃聽歌詩

衙門外之攬眾

除官氣

骨重羊

火浣布

鷄素

記筆三則

朱碧山銀槎

記扇

納蘭侍衛之風趣

犬救主人

是鏡之詭詐

秦氏弟兄多壽

詩人福命之不同

紅豆

因禍得福

力阻開礦

豐臺花事

京城古樹

張南垣父子善疊假山

都門瑣記

卷九

吳雲襄為九華山僧轉世

玉岑夫人

黃莘田篤於師生之誼

詠煙詩

燕窩

煮熊掌法

江鄉風物

北地葡萄

喫檳榔惡習

非時菜菓

貂狐之種類

物類相制

詠絡緯

物類相感

蜂蜜之神妙

中國用糖之始

卷十

記名磁

陽羨名陶錄

一藝成名

物異名

茗飲源流

品酒

酒紀典

杯襯之始

飲酒戒惡習

猜枚

評酒評詩

四書酒令

事物原始

取燈發燭

靠背別名

虎子

使篙張帆

卷十一

楊克一詩畫

龔高士畫之名貴

龔高士墨鍾馗

龔高士女

葉公還金記

李陽冰祠碑之神異

復仇義憤

楊靖碎珠有四善

劉美人簪花樓

張懿簡自警銘

嘉靖三狀元之異

范櫛獲盜

勢力婚姻之惡果

老少同榜異夢

夏塗山逸事

淮屋詩

王雷臣晚年信佛

嘲楊維垣

劉孔和為劉澤清所害

劉文炤詩

楊太常琴

王漁洋賞識張虞山詩

吳高之學陶靖節

張性符著述

顧林亭音學五書之精審

王漁洋徐健庵推重張力臣

卷十二

陳邱兩家年世誼

靳周二子

潘雪帆

馬西樵說詩

達官受窘於名士

望社大會淮上

父東鄉賞識吳太清

星命家謬說

嵇叔子

金道洲答玉樵書

援引孟說之謬

高孝子望親廬圖

同時兩金章

辨物志已逸

文人別號

李吉文大度

劉六皆篤於友誼

閻潛邱遺書

黃梨洲遺書

卞氏園枯枝牡丹

朱定元因禍得福

翻梧豪舉

元立上人求父骨歸葬

術數之奇

御製寶玉詩

吳山夫輯山陽耆舊詩

楊幼彙為盲女演彈詞

陳東巖雅量

紀淮上園亭





茶餘客話卷一

君臣壽考

康熙辛丑元旦早朝禮畢同赴內廷獻壽大學士馬公齊以下十四人時大學士王公頃齡年八十松公柱蕭公永藻王公揆張公鵬翮田大司農從興皆七十以上馬公及貝大宗伯和諾孫大司馬柱賴大司冠都陳大司空元龍黨懋憲阿賴年皆七十蔡大宗伯升元張大司冠廷樞年六十八上有壽考之君下多平格之臣賡拜一堂千古佳話。

楮窗圖

內閣北牆下有楮樹一株陳文貞廷敬愛之公事畢移書案坐其下焚香啜茗召中翰分札咏詩以為常復命鴻臚序班禹之鼎繪卷曰楮窗圖公賦詩中翰皆和之。

張湘曉訓子書

國初乙酉江南解元張湘曉九徵視學河南乞歸康熙十七年舉博學鴻儒冢宰郝恭定惟訥薦之貽友人詩云少不如人何況老身將終隱又馬文又遣懷

增訂香齋詩話 卷一  
云虛名空好羊公鶴。肥遯深慚梁伯鸞。京雒少年爭獻賦。伏生接武賈生難。人  
以是知公不出山矣。子文貞公王書。性淡泊。從不肉食。日粗糲一盃。或山藥少  
許。官庶子為明史總裁。湘曉貽書戒之曰。此非養身之道。食不厭精。汝未讀鄉  
黨耶。退直後。宜靜坐片刻。養身節勞。勿以膏自焚也。古樂府殺君馬者路旁兒。  
謂竭馬之力。以娛道旁耳目。吾慮汝之馬力竭矣。文貞聞命悚然。加一餐馬。

### 拙政園之盛衰

陳海昌之遊。薦吳梅村祭酒至京。蓋將虛左以待。比至海昌已敗。盡室遷謫塞  
外。梅村作拙政園山茶歌。感慨惋惜。蓋有不能明言之情。園在蘇州婁齊二門  
之間。嘉靖中王御史獻臣因大宏寺遺址營別墅。以自託。潘岳拙者之為政也。  
文待詔圖記以志其勝。後其子以樗蒲一擲。債里中徐氏。國初海昌得之。復加  
修飾。珠簾甲帳。烜赫一時。中有寶珠山茶三四株。交枝連理。鉅麗鮮妍。詩中所  
謂艷如天孫織雲錦。頽如姹女燒丹砂。吐如珊瑚綴火齊。映如蟬蛸凌朝霞。是  
也。然主人身居政府。十載未歸。圖繪詠歌。目未睹園中一樹一石。及窮老投荒  
穹廬絕域。黃榆白草。父子熒熒。而此園已籍沒縣官。為駐防將軍得矣。既為吳

逆塔王永寧所有。益復崇高。雕鏤備極華侈。滇黔作逆。永寧懼而先死。康熙十七年。改為蘇松道署。缺裁散為民居。其梓楠城塼。皆輸京師。供將作。陳其年維崧詩云。此地多年沒縣官。我因官去暫盤桓。堆來馬矢齊粧閣。學得驢鳴倚畫闌。盛衰之際。良足感也。

### 子平奇驗

德清蔡翁。精子平之學。一日史胄司夔過訪。蔡告以南中生一孫。推其命頗富厚。若遲一時則大貴。史叩其日時。大驚曰。予今歲得子。正其日月時也。蔡曰。此兒必入閣。即今文靖公貽直也。京師傳為佳話。康熙辛酉。胄司携眷入都。泊舟水驛。生子。家人往來岸上。聞一鐵工家亦生一子。問其時正相同。歸告胄司。心識之。字之曰鐵屋。後二十餘載。文靖已官清禁。胄司南歸。復經其地。欲驗舊事。親行訪之。則門宇如故。一少年持斤斧操作甚勤。問之則辛酉某日生者也。公歸竟夕不寐。既乃悟。語客曰。此四柱中惟火大盛。惜少水制。幸生舟中。得水氣補其缺。若生於鎔冶之地。則以火濟火。全無調劑矣。

### 春聯

增訂金瓶梅詞話卷一  
二掃葉山房  
憲廟賜張文和廷玉春聯曰。天恩春浩蕩。文治日光華。張氏歲歲貼之。後京官家度易桃符。強半書此二語。近日比戶皆然。

淺語有味

王文簡士禎酒次戲拈絕句。灤鮒黃羊滿玉盤。黃鷄紫蟹等閒看。不如隨分開茶飯。春韭秋菘未是難。又舉東坡一詩云。秋來霜露滿東園。蘆服生兒芥有孫。我與何曾同一飽。不知何苦食鷄豚。曾記陳文勤世倅煮粥詩云。煮飯何如煮粥強。好同兒女細商量。一升可作三升用。兩日堪為六日糧。有客只須添水火。無錢不必作羹湯。莫嫌淡泊少滋味。淡泊之中滋味長。淺語有味。己丑夏日。禾中魏松濤作喫粥詩。予和之云。香于酪乳膩于茶。一味和融潤齒牙。惜米不妨攪菜。豈佐餐少許。林鹽瓜。

張照左手書

張涇南司寇照。墜馬傷右臂。幾折。時方進呈落葉倡和詩。遂用左手書。楷凝厚。蘊藉。無一筆呆滯。真造化手也。張南華學士鵬。柳贈詩云。驟馬天街一蹶中。險將折臂兆三公。翻身學士疑成瓦。擎掌仙人不是銅。漫笑莊生虛攫右。早誇杜

老妙書空。斷碑半載。渾難補。天遣重完。賴國工。時得蒙古良醫。百日全愈。

贈徐乾學聯

徐東海。乾學為司寇時。人贈以聯云。萬方玉帛朝東海。一點丹誠向北辰。謝病歸。御書光芒萬丈四字。以寵其行。

贈徐仲山聯

徐仲山召試歸。益都馮文毅贈聯曰。北闕上書。識盡西京才子。東軒賜食。歸貽南國佳人。仲山夫人商氏。明冢宰等軒幼女。後年八十。容貌如二三十歲好女。朝夕惟飲乳汁。猶耽花讀書不哀。

贈王文簡聯

殷彥來譽慶頌王文簡一聯云。天下文章。莫大乎是。一時賢士。皆從其游。聞錢亮功名世游京師。除夕以聯送王文簡云。尚書天北斗。司寇魯東家。由是知名。後送權貴句云。分陝旌旗周太保。從天鐘鼓漢將軍。因之謫官。

贈高江村詩

康熙辛酉。高江村士奇。八直禁中。乙卯冬。設詹事府補錄事。一日賦紀恩。有空

增訂本館叢書  
對西風嘆二毛之句。是年三十二歲。上憐賜御書秋興賦。丁巳冬。擢內閣中書。庚申夏。擢翰林院侍講。葉文敏方藹贈詩云。麻衣獻賦立彤墀。喜見龍頭一笑時。內府錦襦邀帝賜。天街官馬任君騎。侍臣盡識銀鈎體。宮女爭吟璧月詩。自是九重稱特達。從來不藉魏無知。

### 勵文恪子孫科第之盛

三殿三門禁扁。勵文恪六十外。以恩貢給事史局。議敘四川州同。將之官。會殿門易額。史官翰林書皆不合式。人薦書扁稱旨。授編修。至七十二歲。開坊。歷刑部侍郎。贈尚書。子謚。子文恭。廷儀。強仕。入詞館。十年不遷。游陞刑部尚書。子謚。孫宗萬。十七歲入翰林。亦官刑部侍郎。

### 吟詩寫字之敏捷

馮益都文毅溥。携諸名士雪中遊善果寺。晚歸。取陳檢討其年詩。令毛西河和一人倡韻。一人給寫。隨倡隨咏。信口占叶。不許停刻。亦絕伎也。同時如龔芝麓。司寇高念東。少宰。皆以捷敏見稱。毛西河奇齡。自言為文。每日可一萬字。為詩每日可一千句。陳其年言腹中尚有駢體文千餘篇。恨手不及寫耳。視宋仇萬



頃未達時。挈牌賣詩。每首三十文。停筆磨墨。罰錢十五。不足數矣。趙松雪自言一日寫一萬字。夔子山自言一日能寫三萬字。以檢討之才。得平章之手。斯兩美合矣。

### 嘲謀學差

康熙辛卯壬辰間。京堂小九卿謀出學差。浼臺中疏叅翰林部郎。不可出學差。一時造為小說。有小京卿密謀翻大局。死御史賣本作生瀝。老郎中掣空籤。望梅止渴窮翰林。開白口。畫餅充飢四段。見鄭寒村梁詩注。

### 嘲求薦鴻博

寒村二絕云。博學鴻儒本是名。寄聲詞客莫營營。比周休得尤臺省。門第還須怨父兄。補牘何因也動心。紛紛求薦竟如林。總然博得虛名色。袖裏應持念四金。此等語刻之詩集。殊為不學。蓋一時延賞虛聲。及閱閱子弟之驚者。亦不無濫舉云。

### 田山薑

田山薑。未入翰林。弟需館選。後寄以詩云。此事亦尋常。于我獨無分。云先是

增訂... 卷一  
裁推官改知縣。山薑就試中書第五。入署視事。遭同年翰林某侮辱。嘗嘆云。北門草制。始自乾符。內翰宣麻。號稱供奉。笑彼紛紛乳臭。標勝氣于眉稜。亦且截截論言。誇清班于頰舌。又詩云。休言京兆除書近。搖落於今已六年。及試博學鴻詞。首先交卷。復被黜。題溫飛卿詩後云。一代才名乾黜子。八叉吟手亦徒然。不教詞賦陪雕輦。空讀南華第二篇。未十年。官大鴻臚。巡撫江南。又題陸賈傳云。坑焚滲漏笑強秦。劉氏功憑馬上臣。椽史武夫兩行隊。中間迂腐一詞人。此當有所指。陸在漢初。頗有文藻新語。外春秋後語。南中行記。感春引典。誥文。心雕龍。載其目。是為子虛上林之先聲也。

### 紅橋倡和詩

王漁洋司理揚州。讌遊紅橋詞云。北郭清溪一帶流。紅橋風物眼中秋。綠楊城郭是揚州。西望雷塘何處是。香魂零落使人愁。澹烟芳草舊迷樓。一時傳為絕調。屬而和者遍江南北。以吾鄉卹李貞太史象隨為最。清淺雷塘水不流。幾聲殘笛畫城秋。紅橋獨自倚揚州。五夜香消殘月夢。六宮釵落曉風愁。多情煙樹

戀迷樓

入相之早

李高陽文勤丙戌進士。越十二年戊戌由學士大拜。熊孝感文端戊戌進士。越十七年乙卯由學士大拜。高陽年三十四。孝感年四十一。此後惟蔣文恪溥五十歲大拜。

大臣愛才

王漁洋嘗言李高陽之于曹頌嘉禾。梁正定之于汪蛟門懋麟。馮益都之于陳舍人賡明。玉堪魏相鄉之于董秀才文友。以寧服應贊嘆。不啻若自其口出。諸君皆及門士。而文友與相鄉未嘗識面。是之謂知己。

儒臣賜第

勵文恪以編修賜第。厚載門。張文端以諭德。高江村以侍講。朱竹垞以檢討。俱西華門。江村先以詹事主簿賜第。後蔣楊孫查聲山皆賜第西華門內。

張文端養心法

桐城張文端嘗云。五六年來得一法。一身五官百骸。聽其與憂喜煩苦相纏綿。獨守方寸靈府之地。製為一城。堅閉四門。不許憂喜榮辱進退升沉勞苦生死。

得失一切之念。闌入其中。或稍疎虞。打入片刻。即忙驅逐。仍前堅守。若此外之聲音笑貌。惟有聽其波委雲屬。與憂喜相浮沉而已。更有安心一法。非理事決不做。費力挽回事。決不做。敗壞生平。不可告人事。決不做。衙門中事。一切因物付物。一事當前。只往穩處想。不將迎於事前。不留滯於事後。用以每卧輒酣。當食輒飽。視斗室如千巖萬壑。燭下濁酒一杯。以解飢飮。清琴一曲。以調心氣。此則一二年來之又一進境。較之昔時。急於進退。以致形神交困者。則差勝也。

### 尤西堂自營生壙

尤西堂侗。晚年嘗言。不講學而味道。不梵誦而安禪。不導引而攝生。此吾所以異於人也。築生壙官山。自為之誌。構丙舍於兩旁。年八十時。偕老友二三人。往來觴咏於其中。風流近代所少。

### 高念東作詩之敏捷

高念東少宰珩。愛嚴瀨山水。忽得句云。願作杭嚴道。生平遇宴飲賦詩。必擇坐客一人代書。歌行近體。衝口而出。如宿構。執筆者幾腕脫。閱一過輒棄之。稿不存。漁洋所謂咳唾珠玉。而用如泥沙也。

萬錢同修明史

初修明史之時。徐東海延萬季野斯同至京。主其事。時萬老矣。兩目盡廢。而胸中羅全史。信口衍說。貫串成章。時錢亮工尚未達。亦東海門下士。才思敏捷。晝則徵逐朋酒。夕則晉接津要。夜半始歸靜室中。季野踞高足床上坐。錢就炕几前執筆。隨問隨答。如瓶瀉水。錢據紙疾書。筆不停綴。十行並下。略無罅漏。史稿之成。雖經數十人手。而萬與錢寔尸之。噫。萬以老諸生。繫國史絕續之寄。詢非偶然。錢之才亦曷可少哉。

馬章民時藝

馬章民世俊。下第留京。落拓殊甚。以行卷謁芝麓司寇。司寇讀至而謂賢者為之乎題。至後比數亡主於馬齒之前。遇興王於牛口之下。河山方以賄終。而功名復以賄始。七十年以前之歲月已淪。七十年以後之星霜復變。少壯未聞諫書。而哀齡反同。販豎云云。司寇淚泫泫墮。曰。李嶠真才子也。歲暮贈炭金。章民得白金八百兩。明年遂狀元及第。賢哉司寇。非褊心者所能及也。

長生殿傳奇

趙秋谷執信以丁卯國喪赴洪昉思寓觀長生殿劇被黃給事大鴻劾罷時徐勝力編修嘉炎亦與譙對簿時賂聚和班優人詭稱未與得免都人有口號云國服雖除未滿喪何如便入戲文場自家原有三分錯莫把彈章怨老黃秋谷才華迥絕儔少年科第儘風流可憐一齣長生殿斷送功名到白頭周王廟祝本輕浮也向長生殿裏遊抖數香金求脫網聚和班裏製行頭徐豐頤修髯有周道士之稱後官學士聞黃給事由知縣行取入京以上物並詩稿遍贈諸名士至秋谷答以東云土物拜登大稿壁謝黃銜之刺骨故有是劾

闕禁屠祈雨之謬說

宋牧仲嘗言文康公撫遵化日苦旱有司循例請禁屠沽文康出示曰天人一理人事不修則天變於上苟人不為惡即飲酒食肉何足干天地之怒哉各宜痛加修省其屠沽如故三日後大雨人皆服文康之達

王文貞極人爵之榮

王文貞公崇簡嘗建言帝王廟祀宜及守成令主因列商中宗以下七人又言宋臣潘美張浚宜罷祀詔從之公為禮部尚書年六十三以老乞休年七十依

古人以每歲盡讀五經為夏課。嘗作青箱堂記云。階前闢露臺方丈餘。夏秋日暮。父子兄弟六七人。率坐臺上。或壯論詩書。或稱述祖德。旁及故舊家世之興衰。以為勸戒。公家輦下。出身寒素。父子同時官九卿。享上壽。乞休於主恩方溥之時。視其子為宰相。徜徉林下者十有五年。而一生端謹。無可指摘。可謂極人爵之榮者也。

### 吳梅村晚年得子

吳梅村晚年。精於星命之學。連舉十三女。而子暲始生。時唐東江孫華為名諸生。年已強仕。赴湯餅會。居上坐。梅村戲云。是子當與君為同年。唐意怫然。後戊辰。暲舉禮部。東江果同榜。或贈梅村五十生子詩云。九子將雛未白頭。明珠老蚌正相求。蘭闈自唱河中曲。十六生兒字阿侯。蓋少妾所出。後官兵科給事中。朝鮮使臣題三家詞。

吳漢槎兆騫。成寧古塔。行笥携徐雷發欽菊莊詞。成容若德側帽詞。顧梁汾貞觀彈指詞三冊。會朝鮮使臣仇元吉徐良崎見之。以一金餅購去。元吉題菊莊詞云。中朝寄得菊莊詞。讀罷烟霞照海湄。北宋風流何處是。一聲鐵笛起相思。



增訂本館叢書 卷一  
良崎題側帽彈指二詞云。使車昨渡海東邊。携得新詞二妙傳。誰料曉風殘月後。而今重見柳屯田。以高麗紙書之。寄來中國。漁洋續集有新傳春雪咏蠻徽織弓衣指此。

徐立齋得孟子三樂之一

徐立齋登己亥狀元授職後嘗召至便殿門問家世及父母年歲兄弟幾人立齋具奏上嘉歎曰爾可以當孟子三樂之一矣一時以為榮迨庚戌健庵及第立齋已任大司成或贈詩云祭酒先成文廟禮探花初采上林芳爾時釋褐豈竟弟坐而兄拜耶癸丑果亭及第入館健庵以掌院司教習具疏題明免果亭教習曠典也後來查初白慎行人館揆愷功叙掌院揆為查受業弟子亦奏明免查教習

韓慕廬推重朱竹垞

韓慕廬宗伯莖以諸生被斥壬子應京兆試以第一人中式癸丑會狀虛心好學至老不倦嘗語人云吾貴為尚書盍如秀水朱十以七品官歸田飯蔬飲水多讀數萬卷書耶

絕好宋詩

孫愷似致彌。以布衣名動京師。賜二品服。充朝鮮采詩使。士論榮之。既歸。戊辰成進士官翰林。至學士。然一生憂患。多在坎壈之中。馮定遠班題其集云。蠶吐五采。雙雙玉童。樹發寶蓋。清談梵宮。言絕好宋詩也。

葉訥菴行步如乃字

葉訥菴司寇。晚年駘背。行步緩欵。歌側。時人謂如乃字。張京江身軀短小。而一足跛。

計東陳其年性情各異

計改亭東云。予與陳其年同讀書於宋司業德宜家。其年居西舍。予東舍。燈火相照。予不能夜坐。而喜早起。其年吟咏必至夜分。而起每遲。其年好為驚艷絕麗之文。予嗜蒼涼古質之作。兩人性不相易。然至相契。

史閣部後嗣

明末史忠正閣部可法殉節時。相傳尚無嗣息。弟可程官北京不返。其後裔無有問之者。雍正初鄧東長宗伯鍾岳督學江左。有童子史姓。年四十餘。其祖書

可法名。心異之。詢之則閣部孫也。蓋督師赴揚。寄孥白下。有孕妾于滄桑。後生一子。延史氏之脈。因家焉。鄧公偏詢諸老生。對無異詞。及閱其文。疵累百出。鄧公曰。是不可以文論。錄之。邑庠而刻石署壁。以記其事。俾後之視學者。毋憑文黜陟也。故史生得以青矜終。而家亦稍裕焉。天之作忠節不絕。其後洵非偶然。而鄧公恤孤苦心。亦不愧古人也。按靳茶坡集有送史愚菴梅花嶺展墓詩。愚菴道鄰子。鼎革後流寓山陽。又揚州志名宦傳。載史公死後。養子直求其屍。不得。招魂葬衣冠焉。愚菴當即直耶。

霍程之任俠

霍亮雅者。曲周人。任俠嗜酒。一擲百萬。卒後。申鳧盟作傳。邑人劉津遠輓曰。門前倩客雁行立。屋內酒人魚貫眠。吾鄉程嗣立風衣。好結納名流。視黃金如土。晚作詩云。滿頭白髮來偏早。到手黃金去已多。周曰。民振采改到字作信字。徐笠山廷槐以為一字師。

薺菜孟嘗君

顧茂倫選元百家詩。賓至輒留。座上常滿。寔家無儋石。江左有薺菜孟嘗君之

號

朱竹垞詠史詩

朱竹垞彝尊。在翰林咏史云。漢皇將將屈羣雄心許淮陰國士風不分後來輸絳灌名高一十八元功海內詞章有定稱南來庾信北徐陵誰知著作修文殿物論翻歸祖孝徵因此為人所嫉



茶餘客話卷二

內閣大庫

文淵閣無其地。徧質之先輩博雅諸公。皆無以答。王白齋司馬申笏山光祿。皆以為在大內。亦是臆度之詞。予意今之內閣大庫。彷彿近之。當時楊廷和在閣。升庵挾父勢。屢至閣繙書。攘取甚多。又典籍劉偉中書胡熙。主事李繼先奉命查對。而繼先即盜易宋刻精本。觀此情形。必非內庭深嚴邃密之地。而沈景倩謂制度隘。牕牖昏暗。白晝列炬。當時俱屬之典籍云云。則與今日大庫形勢宛然如繪。且紫禁殿閣。綺牕藻井。浮思玲瓏。惟皇史宬為明季藏本之地。則石室磚簷。穴壁為牕。蓋以本章要區。防火為宜。今大庫之穴壁為牕。磚簷暗室。較史歲尤為晦闇。則為當日藏書之所。正與史宬制度相合。路按此作於辛卯年。癸巳建文淵閣於文華殿後。藏四庫全書。且設直閣校理檢閱等官。

大學士加殿閣銜之歷史

桐城張文和公。雍正丁未十月授文華殿大學士。至戊申五月改保和殿。後此多以初入之銜為定。不更。即如劉文正公拜相十年終東閣。而後入者尹高俱

文華。阿溫俱武英。陳劉俱文淵。其行步班次。不以殿閣為序。按本朝殿閣首中和。次保和。次文華。次武英。次文淵。次東閣體仁。近年楊應琚楊廷璋俱授體仁。不終其位。

### 中書入閣觀書

內閣大庫藏歷代冊籍。並封貯存案之件。漢票簽之內外紀。則具載百餘年詔令。陳奏事宜。九卿翰林部員。有終身不得窺見一字者。部庫止有本部通行。惟閣中則六曹咸備。故中書品秩雖卑。寔可練習政體。博古而通今。也不難。予于辛巳夏直票簽。九月即派入武英殿。繕寶譜地球圖說。未得久於其地。計百餘日中。粗繙外記一過。夜直之期。檢閱尤便。每次携長蠟三枝。竟夕披覽不倦。當時十五六日。方輪一夜班。每代友承直。他人亦樂以見委。聞近日中翰以夜班為苦。互相推避。誠不可解。然予終以未得快覩大庫為憾。緣典籍掌庫事。資深者方轉典籍。惟探開庫之期。隨前輩一觀塵封插架。灰堆積土中。隨意抽閱。皆典故也。



內閣副本。每屆年終。派漢本堂中書查對。送貯皇史宬。內辛巳之冬。祝宜誠前輩。維詰應斯役。予偕往觀。百數十年之章疏。積若崇山。而毛西河所稱史成窺制。仿石室金匱者。皆得親見其盛。今之史宬。即明之南城舊址。惟所稱異種名葩。則無有矣。

### 京官前後輩禮數之嚴

內閣翰詹科道吏禮二部。皆按科分敘前後輩。終其身不異。不以官職年齒為低昂。初。哀於吏部。禮部繼之。後翰林人眾。後生居多。往往脫略。近則內閣不甚如舊。初入內閣。見陳星齋曹冰持錢稼軒諸先生。官皆九卿。于前輩老中翰。致敬盡禮。公讌之日。拂座奉卮。命坐皆長揖甚恭。今則有此調不彈之嘆。各道御史初授。先以侍生帖拜諸前輩。見必長揖。進署按資而坐。稍紊者。前輩訶之。予與先生先後入臺。猶見此風。今則罕有入陝西道列坐者矣。略附識。

### 翰林稱謂變遷三則

翰林故事。初入館。於前輩投刺書侍生。而口稱學生。七科以前。則書晚生。未及七科。而官至庶子以上。亦書晚生。洗諭以下。則否。竊怪庶子與洗諭講讀。同為

五品不應分別等差。若此嘗問翰苑諸公，皆不能言其故。但云俗稱庶不見庶而已。心竊疑之。今年歸里，質之家大人云：于故籍亦無可徵，但明有掌坊學士之官，而員不恆備，多以庶子兼之。蓋其始止於學士稱晚生，而其後亦用於兼官之庶子。沿襲至今，遂並用於不兼學士之庶子矣。

翰林前輩稱後輩曰館丈，必四科以前之前輩。或有師生之誼者則可。否則無是稱。近見翰林一經散館授職，與新庶常作札，輒曰館丈，醜甚。

乾隆壬戌以前翰林稱前輩曰老先生，乙丑以後，間有稱前輩者。近者內閣都察院吏禮二部，無不稱前輩，設仍舊稱，無不怪而叱之。昔王凝稱司空表聖為先輩，東坡稱李方叔為先輩，所謂先輩寔乃後輩也。

### 辦事翰林

明陳循任翰林學士，保孔目馬昇授為檢討，仍兼辦文案事宜。此辦事翰林之濫觴也。商文毅極論之，以為非體。雍正間，掌院學士選近科編檢有吏才者充是選。掌院先往拜後任事，履任之曰廳員，再持兩掌院名利，至門敦請然後出。厥後乃有觚不觚之嘆矣。

送掌文衡

前明主會試三次者王元美推為盛事。我朝熊孝感五主會試。范文端李高陽陳澤州朱高安張文和史文靖皆三主會試。劉文正介受祉宗伯凡四為總裁。璐按德定圖宗伯五主會試。王韓城亦五主會試。

科名盛事

我朝科目有歷代所未及者二。崑山徐氏三兄弟皆大魁。一也。彭訪濂與其孫芝庭南宮廷試皆第一。二也。惟百年以來尚無三。元其猶有待耶。康熙壬子韓慕廬以南卷置第二。壬子王樓村鄉試已定首解。改置第六。乾隆辛未吳頡雲會試亦定元。復以策簿改第二十。殆有數存其間。

對策不合體制

康熙戊辰科。仁和凌紹震少習清書。殿試對策用清漢合璧體書。置二甲末。雍正庚戌貢士宋長城對策有請廢科目之議。置三甲末。停其選用。此元人所謂過橋拆橋者耶。

科目得人之盛

鍾陵  
卷五  
三  
歸葉山房

江南康熙癸卯鄉試一榜出兩鼎甲五尚書三大學士典試者為編修王最。工科給事王日高。近則己卯一科得人最盛。十年中已出二殿元。秦大成。張書勳。由南巡召試授中書者三人。

胡稚威齊次風俱中副車

己酉浙江鄉試主考為任香谷王次山兩先生。得人最盛。然名重當時者二人。俱中副車。胡稚威天游。齊次風召南也。

同考房運盛衰

會試同考房運亦有盛衰。給事中劉顯績大興人。明季癸未本房。得成克鞏大學士。姚文然刑部尚書。魏天賞學士。順治丁亥再為同考。本房得王熙大學士。李之芳大學士。程芳朝一甲二名。太常卿。蔣超一甲三名。宋琬川臬使。又陳澤州官庶常時。辛丑為同考。本房馬世俊一甲一名。孫鉢二甲一名。董含二甲二名。又康熙庚辰科。仁和翁嵩年。本房得張廷玉大學士。勵廷儀刑部尚書。乾隆乙丑科。錢相人琦。本房得蔣元益會元。錢維城一甲一名。戊辰科李然山金臺。本房得梁國治一甲一名。汪廷璵一三名。丁丑饒霽南學曙。本房得館選分

部即用知縣二年。老者以教職即用。無一歸班者。是科盧紹文。王仲涵。呂本房所中。俱歸班。無一授職者。璐按饒公本房。梅立本榜眼。錢大經。李宗寶。陳蘭森。那穆齊禮。俱翰林。沈澗。簡昌璘。魯贊元及先君。俱部曹。解秉智。王裕增。李鶴。俱知縣即用。

### 重赴鹿鳴

東莞尹之遠。順治丁酉舉人。至康熙丁酉年八十。秋榜發。巡撫延赴鹿鳴宴。主試嚴思位。贈詩云。六十年前攀桂客。天留碩果到今時。已從石室傳丹訣。復與瓊筵泛玉卮。金粟山頭清白吏。珊瑚淵畔去來辭。非潛非見窮經術。百歲常為後輩師。康熙乙卯鄉試。松江唐進士昌期年八十矣。以萬曆乙卯鄉薦。亦與先後同年之會。有客贈以句云。鷹揚杖履追前哲。鶚薦科名接後賢。乾隆己未。趙秋谷與新貴遙認同年。沈歸愚詩云。後先己未亦同年。辛未會試。黃崑圃先生邀新進士至。邸寓會同年。賦詩飲酒。輦下稱盛事。至庚辰會試。溧陽史文靖年八十。亦循故事。壬午閩中黃莘田任。亦重宴鹿鳴。自制軍以下。俱作詩贈之。莘田吾鄉許謹齋給諫所取士也。璐按重赴宴鹿鳴。吾鄉丙子科有吳大燁。順天

甲午有孟瑋。己酉雲南賽輿年百歲。賜進士。壬子湖北萬年茂。福建蔡璋。浦陳材。邱理德。湖南譚昌明。重赴瓊林。庚戌嵇中堂。

各省會試中式人數

順治三年丙戌會試中式四百名。內山東九十九人。狀元傅以漸。聊城人也。先是乙酉鄉試及京兆試山東共中式九十五人。而丙戌聯捷進士者四十九人。四年丁亥會試中式三百名。內江南一百二十四人。殿試一甲三名皆江南。是科會元李人龍。二甲傅臚。子明寶。皆不館選。後至大學士。凡五人。呂宮。黃文僖。機。李文襄之。芳。王文靖。熙。馮文毅。溥。馮丙戌中式。至丁亥始殿試。

館選額數無定

歷科館選無定額。就一時之人才為多寡。順治九年壬辰。五十員。十八年辛丑。十員。康熙三十年以前。以三十員為率。其後以五十員內外為率。惟六年丁未。僅十二員。四十八年己丑。至六十四員。五十一年壬辰。至六十六員。雍正五年丁未。三十七員。而他途用者甚多。十一年癸丑。七十員為最盛。

雍正癸卯館選五十六員。乙巳散館授編檢三十三員。用六部主事四員。中行

評博九員。州縣二員。教職二員。內有文有保二十一員。館選十九員。有文無保十九員。俱館選。有保無文三十九員。館選十六員。文保俱無一百六十七員。選四人。清書止派五人。傳臚張廷珩特旨授檢討。與一甲三人同入南書房。館選後。又補點帥念祖一人。餘庶常外。另有記名十七人。着問有情願在官學教習者。令其自陳。又單點記名三十人。以知縣即用。

雍正二年甲辰。殿試後。在保和殿考四書文一篇。詩一首。命大將軍年羹堯閱卷。又命九卿保舉。後止憑文錄用。不由保舉。館選四十人。各部主事三十八人。知縣十七人。清書派六人。進士用主事知縣。自甲辰後始為例。

雍正五年丁未。館選三十七人。外以各部主事即用五人。以六部額外主事用二十二人。以知縣即用四人。以知縣試用二十六人。以教職用五人。

雍正八年庚戌。一甲授職外。顧成天胡宗緒二人俱即授編修。點庶常外用額外主事五十八人。其餘分頭等四十二員。中等六十二員。次等九十八員。願就教職者四十八員。不用者一員。宋長城。

雍正十一年癸丑。一甲授職外。張若靄授編修。任啟運授檢討。先是張若靄已



定一甲二名。拆卷後大學士張廷玉懇求降甲。繼以泣。乃改二甲一名。授編修。乾隆元年丙辰。庶常外部用五十二員。即用知縣二十一員。丁巳庶常外。分部二員。即用知縣三十六員。助教一員。

向例額外主事。三年期滿。甄別其勤能者。以主事選用。不及者改助教。博士等官。乾隆乙丑科。分部者五十餘人。及戊辰甄別。留者僅十之三。餘俱歸原班銓選。嗣是以後。則不留者少。

### 鄉會試副榜源流

鄉會試之有副榜。考之前代。名曰激賞。順治戊子科。詔天下廩生中副榜者。貢至吏部。謁選。其最者以推官用。次知縣。次州佐。增廣附學中副榜者。入成均讀書。滿一年。送吏部。歷事考用。如廩生例。後不為例。計順治甲午。丁酉。庚子。三科皆舉行。至康熙癸卯。丙午。己酉。遂不許立副榜名。邑至壬子科。大司成某復請舉行。如甲午例。允行。按禮部志稿。明嘉靖五年。題准。會試各房閱卷。凡文字合式。除正卷外。將備卷每房少或五七卷。多則十餘卷。批詳次序。一併付禮部查姓名。以次填入副榜。不拘額數。

徐文敬逸事

徐文敬公潮。先世業漁。生公之日。江湖大上。一小舟為風漂沒。徐翁急救之。得無恙。僦舟者為隣。省孝廉入都。赴試者。翁延至家。致雞黍之敬。次日洗兒。請孝廉命名。以江湖之異。遂名曰潮。其後孝廉累不第。而文敬早達。至某科。以編修分校。孝廉得售。適出其門。

狀元宰相之難

狀元宰相。古今艷稱。自順治丙戌。至乾隆辛巳。百十餘年。凡得七人。順治丙戌。傅聊城以漸。丁亥。呂武進宮。己亥。徐崑山元文。乾隆丁巳。于金壇敏中。己未。莊番禺有恭。戊辰。梁會稽國治。辛巳。王韓城杰。宋人西清詩話。陽修詩云。皇朝四十三龍首。身到黃扉止四人。謂呂蒙正。王曾。李迪。宋庠也。有明百八十年。為科六十。入閣者止胡文穆廣。曹文忠兼。陳方洲循。商文毅輅。彭文憲時。謝文正遷。費鵠。湖宏。顧味齋。鼎臣八人耳。至季年之魏藻德。釋褐四年。即擢登政府。卒之稽首賊營。拷掠責賂。以至灼肉折脛。身死名喪。又不足稱矣。

文字遇合之奇

康熙庚午江南鄉試得人最盛。同考廖騰達得劉捷卷首薦。時元卷已定。主司欲置第二。廖不可。曰：留來科作元。遂擯落。而是科元即捷兄輝祖也。後數年廖以御史典江南試。以書屬輝祖授捷。為闈中物色計。輝祖星夜馳歸。中途病阻。書不得達。廖入闈。徧求捷卷不得。太息累日。及揭曉。捷已裒然舉首矣。噫。針芥之合。夫豈偶然。向使輝祖不病授書。區區一解元。何足以顯文字遇合之奇哉。此事余聞之周丈白民云。

翰林稱謂變遷

舊時翰詹編檢以上。於中堂吏部尚書處投刺稱晚生。於五部尚書左都總督稱侍生。侍郎巡撫以下則否。以余所見。庚午辛未以前。猶守此規。嗣是則以侍郎巡撫稱侍矣。旋於尚書總督稱晚矣。近者又有於三品京卿稱侍者矣。

告身文字

康熙年間。命翰林按官職所掌。與擬告身文字。無須臨時猝辦。不必專切一人。積弊廓清。無能行其私智。今毛大可集中數篇。即當日分撰者。近日錫類彌廣。凡貤封伯叔兄嫂。以及外祖父母舅氏者。悉蒙恩准。而當日並未撰擬此數項。

文字。近日誥勅房不敢另擬。即以父母之文。用於伯叔兄嫂外氏。竊有未安。康熙戊子。直隸總督趙宏燮為其外祖郭某謀。賜封。御史王兵曾劾其怙寵非忠。忘本非孝。語戇而刻。聖祖特允其請。許給誥命。並許凡外祖之嗣者。皆得援例。請奏翰林某侍讀撰制詞有云。緣情作則。厥施用慰。夫蓋臣。溯本推恩。其義寔通于將母。當時傳為佳句。蓋因人以撰文。事由特旨。不得為例。中書科所書告身。皆佐史之筆。着泥金五色者。潤筆尤豐。明隆慶中。司馬王崇古。以泥金書軸。為言官所糾。唐制皆名手。顏公自書。朱巨川一人。而魯公季海同為之書。巨川賴此以傳。至宋時。則當制之人兼書。字體不拘真行。故當時以得歐蘇手筆者。為瓌寶。

茶餘客話卷二終



茶餘客話卷三

長安耆舊

計改亭東作者舊記。康熙十一年。海內耆舊。重於長安者。蘇門孫徵君鍾元年九十二。北平孫少宰退谷年八十。王尚書敬齊年七十一。崑山顧隱君寧人年六十。徵君之學。從象山陽明入。而踐履篤實。大節不苟。侍郎之學。以朱子為宗。五經俱有纂述。注疏尚書湛深經術。尤工文章。古近體詩。隱君專精訓詁之學。考訂詳慎。為侍郎密友。改亭止就一時朝士往來者言。

人才月旦

國初有江左三鳳皇。後又稱王樓村唐寔君。顧使君為三小鳳皇。阮亭稱南施愚山。北宋荔裳。倦圃稱北李天生。南潘次耕。趙秋谷。以朱王並稱。周銅野謂國朝詩人。阮亭第一。查初白次之。又其次則汪蛟門。

場屋元燈

有明墨牘。皆有程式。相傳奉為元燈。惟主司明眼拔尤。考官聲名由此而定。計改亭謂洪水會元十五人。宣德迄天順會元十三人。皆非雕飾之文。成宏十四

人章楓山懋吳匏廣寬為冠稍見法度然未離乎樸也。正嘉二十人。隆萬十八人。如唐應德順之瞿崑湖景淳鄧文節以讚王文肅錫爵馮且區夢禎李九我廷機其文之矩獲神明。若有相傳符節可以剖合驗視其時天下承平士之起家非科目不貴。科目非元不重。閉門造車出而合轍作者與識者如針石之相投也。或謂吳無障默以偏鋒傷氣湯霍林賓尹以柔媚敗度文運至此而衰然啟禎八元若曹勳若吳梅村又何減前人也。

胡天遊為聲氣所累

乾隆辛未薦舉經學命取生平著述其尤異者以聞後以吳鼎梁錫與顧棟高陳祖范名上俱授司業集議之初浙江胡天游江南蔡寅斗亦在選中而胡名尤重舉主凡人宣城梅文穆鼓成奏一人久居京師聲氣廣播恐非真才遂不用胡終於副榜蔡壬申縊于號舍。

記扶乩二則

庚申靖江朱生館涇邑召乩仙涇之故進士仕武岡州葉居仁至作詩云京洛分携後相思積歲年湖山迷楚望風雨隔吳天立馬三苗寨騎龍七澤姆桐鄉



遺愛在碑板待君錫詩調致佳。余聞之楊編修樗園廷棟。

楊樗園朱裴園毛靜山之玉吳翼堂華孫皆癸卯選拔在京為扶鸞之戲。勿降乩者自稱葉沃若。葉亦明經同年也。諸君訝子方壯健未聞病逝安得至此。乩言今年秋某日卒於涇。諸君疑信不能決。乩言君輩勿疑。記某年歲除日。在寧國學署。西園古梅下商某事否。蓋樗園等在學署閱文隱事。他人所不及知者。于是驚信為真。閱數日。製文設祭。為位以哭之。未幾聞扣門聲。則沃若披帷入矣。諸君驚問何相逼之甚。沃若自謂計偕來京。方下車。為諸君致信物。因探懷出信。諸君乃相視大笑。具言所以。沃若後中辛未會試。榜發已卒。亦奇。

### 顧棟高殫精經學

顧復初棟高。以經學授司業。年逾七十。不復出山。丁丑春迎鑾。獻所著詩書兩義。蒙恩加祭酒銜。又數年而終。復初康熙辛丑進士。性倨慢。不合時。官中書。與堂上官齟齬。僅三載。即歸田。生平以窮經著書為事。自幼至老。未嘗一日不讀書。於五經皆有所發明。掌教淮陰。從遊甚眾。夏日不見一客。堅閉重門。解衣脫襪履。至寸絲不掛。匿帷後。手一卷。不輟。辛未經學。惟祭酒無愧色耳。

春和園之命意

忠勇傅公治園亭落成上臨幸賜額曰春和園眾以為春和景明意按宋趙立夫知臨安縣有治績入對理宗語之曰今京師細民當一意摩撫令常在春風和氣中立夫遂以郡西建春和樓以推廣德意乃知眷寵之中意成勗勉豈徒賞其風景哉

古人同姓名錄

樂毅稱樂生賈誼稱賈生相如稱馬卿太史公稱馬遷武侯稱葛亮李膺稱李君阮籍稱阮公阮生嵇康稱嵇生山濤稱山公王導稱王公郝惜稱郝公安石康樂元暉皆可稱謝公庾亮稱庾公杲之稱庾郎王凝之稱王郎袁粲稱袁公江淹稱江郎徐陵稱徐君杜甫稱杜公杜子老杜李白稱李侯李生孟浩然稱孟公韓愈稱韓公韓子韋應物稱韋公白居易稱白公白傳元稹稱元相李紳稱短李劉禹錫稱劉郎老郎溫岐稱溫杜牧稱小杜之類各有所本不可假借假令稱甫曰杜生白曰李公知復為誰耶不但此也古今人姓名相同而賢奸雅俗一薰一蕕不可少混如兩張敞一京兆尹一令史匿竇武者兩張詠一

乖厓。一為孫皓所殺。兩李綱。一隋臣。一宋相。兩張儉。一漢黨人。一唐臣。兩李膺。一漢黨人。一梁武時人。兩廉頗。一趙將。一梁將。戰沒為神。兩蔣相如。一趙臣。一梁武時人。為父報仇者。兩董仲舒。一江都相。一齊直閣將軍。兩韓安國。一武帝時。一成帝時。兩謝安。一漢下邳人。一晉臣。兩徐邈。一景山。一東晉中書侍郎。兩江革。一漢孝子。一梁貞臣。兩王嘉。一子年作拾遺記。一漢相。兩張載。一孟陽。一橫渠。兩薛仁貴。一武將。一文人。注易。兩劉宏。一漢司空。一晉都督。兩朱雋。一文公。一晉龍驤將軍。兩葉夢得。俱號石林。一姑蘇。一貴溪。三邵平。一陳勝將。一齊相。一東陵侯。三劉毅。一東漢平望侯。一西晉司隸校尉。一東晉南平郡公。又有兩王褒。兩王猛。兩劉向。兩劉琨。兩陳遵。兩韓翊。殆未易更僕數矣。然皆君子人也。兩李定。一害蘇子美。一害蘇子瞻。兩湖廣。一漢一明。兩蔡京。一唐一宋。兩張昌宗。一昌齡。兄。一易之弟。兩朱買臣。一漢太守。一梁臣。兩趙普。一王莽將軍。一宋相。皆小人也。亦復不少。至若漢有理輪之張綱。宋有棄官之張綱。南燕有殺母之張綱。漢有研京之張衡。隋又有弒主之張衡。晉有陳情之李密。唐有作亂之李密。漢有飛將軍李廣。北魏有文士李廣。又有賊帥南岳大帥李廣。明又有

宦官李廣。有亡秦之趙高。光武時又有清河太守趙高。有降虜之李陵。又有太常李陵。臧洪為莽太保。三國又有義士臧洪。吉頊為唐酷吏。又大曆詩人吉頊。則美惡殊科。不第孔子似陽虎矣。更有不倫者。梁太常丞唐堯。漢臨武長虞舜。不更誕耶。

古人不經見之名字

神農名大魁。虞舜字都君。舜妹名嫫。見說文。天皇名獲。字子潤。地皇鑑。岳字子元。人皇愷。胡字文生。后稷字庚辰。馮廉字虔。父文種。字子禽。文翁名黨。微子名開。箕子名胥餘。子產字子美。孫叔敖名饒。百里奚字井伯。孤竹君姓墨。名胎。伯夷名允。字公信。叔齊名知字公達。易牙姓雍。名巫。接輿姓陸。名通。計然姓辛。名研。字文子。介子推姓王。名光。華周名旋。杞梁名殖。朱張字子弓。杜康字仲靈。鬼谷子姓王。名詡。一作訓。申公名培。項伯名纏。叔孫通名河。東園公。園秉字宣明。夏黃公。崔廣字少通。綺里季。朱暉字文季。用里先生。周術字元道。侯芭字鋪子。壺公。姓施。名存。嚴君平。姓莊。莊名導。莊周字子休。又名艾。字文獵。陳仲名已。字子終。許由字仲武。李斯字通古。曹操小字吉利。又小名阿瞞。佛印姓謝。名端鄉。陶

侃小字溪狗。漢光武小字呼。庾信小字蘭成。崔顥小字桃。蘭相如名大子。庾信兒名狗。范蔚宗小名碑頭。白香山姪名龜。又女名羅子。東坡孫名楚老。子由子遲小名梁适。小名羅遠。小名虎兒。王安石生時糴入產室。小名糴郎。文天祥字宋瑞。小名雲孫。小字從龍。宋孝宗小名羊。辛稼軒有印曰六十一上人。朱子小名沈郎。小字季延。陶穀小字鐵牛。仲雍字熟哉。墨子姓翟名烏。

### 謝莊名子

謝莊以風月山水景名五子。颺。拙。顥。從。蒨。也。宋于虛名五子。鑫。森。森。森。森。

### 老泉非老蘇號

東坡得鍾山泉公書。寄詩云。寶公骨冷喚不聞。却有老泉來喚人。果老蘇號老泉。敢作爾語乎。惜不令焦文端聞之也。

### 傳名之奴婢

顏魯公僕名銀鹿。柳公權竊僕名海鷺。蕭穎士奴名杜亮。秦檜小奴名研童。婢興兒。辛稼軒侍者名錢方。萬里二婢曰周勝雪。劉玉榴。蘇小小一名簡簡。秦檜妻王氏自號冲正先生。白香山婢曰春草。愛妾換馬之鮑生二妾曰夢蘭。小倩。

事物異名

方丈。僧居也。宴室也。園室。囹圄也。道士居也。禁中。大內也。幽室也。閭內。國門也。閨閣也。檻楹也。穿也。闌干。果愚也。眼匡也。夜深也。尺宅。陋居也。面也。寸田。地少也。心也。秋水。劍也。眼也。芙蓉。劍也。面也。舌也。帳也。水花也。木花也。山峯也。太史。天官也。翰苑也。黃門。奄人也。給事也。貂璫。貴戚也。刑餘也。典刑。老成人也。大辟也。金石。文字也。交情也。圖書。經史也。符印也。流黃。顏色也。機組也。琥珀。丹石也。酒也。玳瑁。石也。龜甲也。筵席也。琅玕。石也。篠也。六寸筆也。筭也。威蕤。花也。鎖也。苜蓿。馬芻也。訓士官祿也。

螺磯祠聯

螺磯孫夫人祠廟。有池。陽明經往游。題其柱云。思親淚落吳江冷。望帝魂歸蜀道難。夜夢夫人來謝。

李穆堂持論之偏

李穆堂。然記聞最博。而持論多偏。在明史館。謂嚴嵩不可入奸臣傳。纂修諸公爭之。李談辨雲湧。縱橫莫當。諸公無以折之。最後楊農先學士椿從容太息曰。



分宜在當日。尚可為善。可恨楊繼盛無知小生。猖狂妄行。織成五奸十罪之疏。傳誤後人。遂令分宜含冤莫白。吾輩修史。但將楊繼盛極力抹倒。誅其飾說。誣賢。將五奸十罪條條剖析。且辨後來議恤議謚之非。則分宜之冤可申。穆堂聞之愕眙。自是不復申前說。穆堂七十任光祿寺卿。履任之日。查閱冊籍。復至寶錄館。諸公問今日何事。穆堂歷舉筵宴器物制度無遺。蓋一過目。輒能記。至老不改。

迦陵填詞圖卷題詠

陳望之中丞。淮家藏迦陵填詞圖卷。畫色剝落。名流題詠甚夥。吳慶伯農祥題跋尤多。洪昉思昇題北曲一套。極風流蘊藉。彭羨門孫適調浣溪紗云。一曲烏絲絕代工。碧簫聲裏見驚鴻。紅么小撥玉玲瓏。幾度牽縈蘅薄夢。半生消受桂堂東。教人妬殺畫圖中。卷尾表文達曰。修題句云。少年曾檢花間集。最愛迦陵絕妙詞。今日丹青初識面。瓣香真欲奉吾師。文如徐庾當時體。詩是蘇黃一輩賢。却被曉風殘月誤。頭銜甘署柳屯田。百年名輩風流盡。髻也疎。豪古丈夫。爾日侍香何女史。驚鴻一瞥世間無。卷中詩伯首漁洋。諸子飛騰各擅場。一事難



忘惆悵處。不將餘瀋貌雲郎。載笠圖成並軼倫。斷練隨手逐風塵。中郎莫抱無兒恨。世守芸香大有人。

張南華吟詩之敏捷

張南華詹事。今之謫仙也。天才敏捷。詩具宿慧。興到成篇。脫口而出。安帖停勻。嘗試保和殿。未停午。眾方執筆。著想聞有投卷者。眾曰。必南華也。與涇南司寇同奏事。乾清宮門下。涇南携一漢製玉羊。南華曰。詠此可乎。即口吟四十字。語未畢。殿角湛然聲震。眾驚顧。乃四奄舉一大水繩。斷水墮地。碎且迸。南華曰。咏此可乎。即復吟四十字。眾驚嘆。叫絕。一日午門送駕。館閣諸公各喝一韻。應聲立就。頃刻成數十首。唱韻詩。古人所未有也。南郊視壇。家叔同以講官侍班於齋宮。補棕處候駕。因指棕字為韻。南華衝口吟數十韻。至鳳郎凝雲物。電轉屬苑虹。山河扶棟宇。日月倚簾櫳。天闕常依北。招搖漸指東。尤警絕。如河縣瀾翻。不能自休。羽林期門之士。環繞聳聽。詭為異人。會駕將至。始悚惕。輟吟。噫。伎至此乎。南華少時。作迴文賦八首。自然清麗。亦前人所無也。

前人遺詩文集之慎重

王墻東汝驤選明文治風行一時。然已盡破前人之法。曩聞何義門焯選行遠集。其指歸悉本閩潛邱詠。李安溪光地前後選諸集。皆徐壇長用錫何義門所手定者。方靈臯苞選四書文。其總批線批皆由兵曹郵寄。周白民振采改定。然後出示同館。蔡芳三寅斗選三十名家。白民汰易其大半。前輩於選事慎重如此。若俞西園百二十家。因文以存人。徐山琢越嶺雲編。自刻其家藏。世不常見者。以多為貴。近人同風錄等。皆墨牘無關選法。又當別論也。

### 酒人巨量

江左酒人推顧俠君嗣立第一。居秀野園結社。家有酒器三大者。容三十觔。其兩遮殺。凡入社者各先盡三器。然後入座。因署其門曰酒客過門。延入與三雅詰朝相見。決雌雄。匪是者毋相溷。酒徒望見。懼伏而去。亦有鼓勇者。三雅之後無能為矣。在京師日聚。同時酒人分曹較量。亦無敵手。一時方近雯觀莊書田楷繆湘芷沅黎寧先致遠。皆萬人敵也。以予所見。勵侍郎滋。大宗萬李。臬使益人。治運陳太僕。向山兆崙。涂侍郎石溪。逢震。顧京兆。息存。汝修。亦頗論觴政。足稱後勁。近人則素尚書爾訥。索侍郎琳。亦一時之雄。

沈端恪逸事

沈端恪近思字闇齋。幼依靈隱寺僧諦輝。既已披剃。復延師課以舉業。遊庠遠俗。無所歸。徘徊于西泠橋下。遇項某識其非常。邀至舍。妻以女。成進士。任選君以清介著。不可干以私。後為御史大夫。雍正丁未卒于位。聞卒之前一日。出端門。瞠目若有所見。呵曰。此何地。爾等敢來。即來何須多役。時戶曹郎姚均風培和隨其後。問公與言者為誰。曰。衙役寔無一人也。姚訝之。次日公薨。

詠在館庶常

沈南疑難京春詠五十首。曉直歸來數八磚。但逢三五去朝天。東堂舊有承恩事。大例關支月俸錢。暖牖新鋪小炕床。乳茶紅映玉靈光。日長院裏無喧喚。緜得清書又幾行。春店烹泉開錦棚。日斜宮樹散流鶯。朝來漫點黃柑露。馬上新茶已入京。蓋詠庶常之在館者。

科名得失有定

科名得失遲早高下。莫不有命。戊辰會試鄂虛亭司馬容安閱江南卷中已定三十卷。又選其次者十卷。暗藏枕下。以防意外更易。及進呈前十卷內江南一

卷後場犯諱撤去。急命小胥取床頭十卷來。十卷固亦自別高下。而小胥抱卷急趨逾限而仕。倉皇甚。信手拾取以進。鄂公即取最上一卷置十名進呈。欽定第一。今即令儀部鄭前邨郎中忬。

### 嘲京官

京師目翰林為橐駝。譏其臃腫而緩步也。科道為老鴉。發聲不祥也。又以富貴威武貧賤比六部。吏曰貴。戶曰富。禮曰貧。兵曰武。刑曰威。工曰賤也。又以喜怒哀樂分屬吏部四司亦確。

老學菴筆記一則云。吏戶刑三曹富饒。他曹寂寞。時人為之語曰。吏勲封考。三婆兩嫂。戶度金倉。細酒肥羊。禮祠主膳。咬齏吃麵。兵職駕庫。敲薑呷醋。刑都扎門人肉餛飩。工屯虞水。生成惡鬼。